

太上靈寶朝天謝罪大懺卷之二

靈三

爾時元始上帝於赤明劫初在五清大羅天上南丹開陽上館火鍊宮中大會群仙四方天帝无量天人玉童玉女持符執節燒香散花吟詠洞章旋遶天寶妙臺龍燭風燈羅列照耀至尊聖德巍巍未聞見是時元始上帝以大威力布大祥光普照十方无量國土皆同一相表裏開通一如琉璃清瑩元礙十方大聖一切侍真隨至尊祥光下見十方萬國九州山河大地人民苦樂地獄天堂罪福果報如在目前是時諸天神王三府靈官列班朝禮進呈天下國土人民罪福之籍一一分明並無差忒是時有五清真人金華真人與會中一切神仙燒香踏躡朝拜至尊今日忝預法筵面禮慈光觀聽法音聞道塵迷咸使悟道實為風慶

元始上帝告左右侍真曰吾嘗在五清天中下觀一切兆民積善崇福者皆有福報見有廣造經像立觀度人布施齋戒濟生度死普救一切者生天王國主身供養三寶燒香然

燈誦經禮拜廣建福田救災拔難者生皇后國母身信樂經法持齋念道布施貧乏者生富貴聰明身常行慈悲濟生度死崇奉三寶燒香不急者生清淨出家身信奉修行供養星辰者生長命清淨端正身成就宮觀建立靈壇者生大富貴聰明身布施救貧成就功德無所吝惜者生天人中身不殺不盜不嫉不害者生長命具足身供養三寶憐念一切慈悲於物者生高上豪貴身子孫昌盛長命富貴者從供養天尊大道星辰中來夫妻和睦男女柔順者從不隔恩愛中來在處得人敬仰甘膳美衣者從敬奉天地禮信三寶中來見世尊尊貴人見畏懼者從敬信三寶中來出家法身為人敬奉者從說法教化中來富貴親親永劫不衰者從布施成就功德中來身心清淨智慧明了者從護持經法中來所居快樂無諸災厄者從放生救物不害眾生中來子孫豐足富貴長壽者從廣行布施求福中來女人降生貴子夫婦常敬愛者從道場教化信心中來形容端正笑語柔和

眾人恭敬者從供養三寶持奉經戒中來已上福報皆生世祖稱陰德種植致得今身之報或一身積善致使宿命善因得福无量元始上帝再謂左右神仙曰吾見毀壞天尊星辰大道形像者死入九幽地獄鄂都老罰萬劫方生病癩百蟲咬噬臭穢身皆毀三洞經錄法典改換品帙者死入地獄考罰百劫方生野獸舌根爛壞身誹謗出家法身者見世惡癩過去生六畜身破壞宮觀靈壇毀拆具館者見世眉鬚墮落身體爛壞過去生毒蛇餓虎身不敬天尊大道星辰者見世惡癩瘡癩過去生六畜鳥獸身不信經法宿命報對者見世為奴婢過去生贖夷虜狄身輕慢出家法身穢汙三寶福地者見世跛躄過去生猪狗身淫犯出家陵辱法師者見世形容腥臭過去生糞穢廁溷毒蟲身邪姪好色不別尊卑者見世風邪過去生六畜猪羊牛馬身偷盜常住財物及四輩信施衣帛者過去生顛狂惡癩身偷盜三寶花果蔬菜齋食者見世得消渴飢病過去生餓虎毒蛇身偷盜齋

醜供養法食者見世逢霹靂惡鬼殺害過去
 生蟒蛇毒蟲身又生餓狗毒鴆身罵詈出家
 法身惡言陵辱者見世得風癩惡疾過去生
 狂狗猛獸身破齋犯戒者見世遭逢牢獄過
 去生蠅蛆蟻身殺害眾生恣心宰殺者見
 世得短命疾病牢獄考決身食肉貪殺六畜
 者見世百病困苦過去生麋鹿野獸身嗜酒
 過度好食葷辛臭穢者見世風狂猛火焚燒
 過去生猿猴身死入地獄鑊湯中又見一切
 眾生見世手脚斷壞拳縮跛足者從不敬三
 寶星辰中來兩眼雙盲舌根爛壞者從毀譽
 經教輕忽三寶中來瘖啞不能言語鼻塞不
 聞香臭者從誑說出家不信經法中來眉毛
 墮落唇舌露鼻塌倒者從破壞道場誹
 謗三寶中來顛狂迷妄形容醜陋者從噴噀
 傲慢非笑出家法身中來劫賊相逢傷害財
 物者從劫奪三寶常住財物中來水溺漂沉
 魚龍傷害者從損壞三寶常住中來火燒灼
 爛毒蛇吞噬者從殺害出家毀拈觀舍中來
 毒蟲入口吐血穢汗者從惡口咒詛叫喚鬼

神中來毒蟲入孔竅食啖虎狼猛獸傷害者
 從陰謀毒害欺心中來父母妻子離隔常不
 同居晝夜相罵者從嫉妬毒害破人和合離
 人骨肉中來娼妓不避親疏好醜者從猪狗
 六畜中來嗜肉好殺嗜酒猖狂者從魚鼈蝦
 蟆毒蟲猛獸中來身體穢汗不淨臭穢者從
 科蚪毒蟲中來牛馬六畜者從殺生負誹抵
 債中來野獸羣鹿蝮蝎蟒蛇者從嫉妬毒害
 陰謀中來餓虎豺狼者從欺陵劫奪殺傷中
 來廁溷穢蟲蝦蟆科蚪蟻蟻者從輕毀三寶
 不生敬信中來樹犬野狗魚鼈怪蟲者從背
 師棄本違犯經教中來燕雀鳩鴿者從評論
 經法自作口業中來鷹鷂鷲鳥者從犯觸出
 家破毀經教中來墮子落胎腹大項細者從
 非笑三寶傲誕出家中來牢獄枷鎖考掠切
 身者從詭毒阿黨殘虐貪下中來鞭撻楚撻
 枷鎖牢獄者從毒害貪虐中來貓犬野狗豺
 狼狐貉者從貪恪虛誕矯詐中來鼠鼯蜈蚣
 蜘蛛生身者從陰毒妬害中來蜂蠶毒蟲
 蟻螞蟻者從咒詛出家欺忽三寶中來蜘蛛

曲蟻蚊蠅蚤蝨者從慢法輕道笑謗經籍中
 來邊夷下賤禿頭斷髮眼深鼻長身體腥穢
 者從殺生邪淫不信因緣中來
 元始天尊告左右侍真曰已上罪業死經地
 獄受諸考罰歷劫受罪方得此身亦有見世
 業報生身所犯業報因緣一一明示各須澄
 心懺悔獲福无量
 元始天尊再告左右侍真曰下界若有奉道
 信心男女發無上誠心為皇后貴妃七廟天
 宗歷世貴族建三清寶座五帝星壇掛幡獻
 花百珍異果然香點燈大醮星辰披曠鬼儀
 者吾遣太乙救苦天尊開朱陵之闕丹簡紫
 錄出天尊懿號讚歎稱揚吟誦洞章解釋九
 幽滯臆宿業釋散五道開通通達無為超生
 福果一切罪犯並得消除是故燒香歸身歸
 命五體投地 志心朝禮
 五清聖境虛元自然元始天尊
 上清真境太上道君靈寶天尊
 太清仙境太上老君道德天尊
 太上昊天至尊金闕玉皇上帝

南極星主紫微上宮天皇上帝
 中天星主紫微中宮北極大帝
 承天效法厚德光大后土皇地祇
 南極長生大帝統天元聖天尊
 東極青華大帝太乙救苦天尊
 貞明大聖九天應元雷聲普化天尊
 九天雷祖大帝除災濟物天尊
 紫微碧玉宮太一天帝保制劫運天尊
 六天洞淵大帝伏魔上上太一天尊
 六欲天主帝君普施法網天尊
 九天可韓司丈人朱陵度命天尊
 九天採訪使應元保運妙化天尊
 東方九炁天中青靈始老洞空天尊
 南方三炁天中丹靈真老洞清天尊
 西方七炁天中皓靈皇老洞虛天尊
 北方五炁天中五靈玄老洞微天尊
 中央一炁天中玄靈元老洞真天尊
 志心朝禮 南方玄真萬福天尊
 志心朝禮 湛寂法雲天尊
 志心朝禮 智力方便天尊

志心朝禮 東華開化天尊
 志心朝禮 三天獨尊天尊
 志心朝禮 太清道成天尊
 志心朝禮 朱玄妙道天尊
 志心朝禮 惠遍道運天尊
 志心朝禮 教恩丹景天尊
 志心朝禮 太清五帝天尊
 志心朝禮 真戒寶教天尊
 志心朝禮 應明高運天尊
 志心朝禮 愛樂大洞天尊
 志心朝禮 玄廣道運天尊
 志心朝禮 天皇上帝天尊
 志心朝禮 法性徧開天尊
 志心朝禮 遍悟上元天尊
 志心朝禮 道運神開天尊
 志心朝禮 凝彩神暎天尊
 志心朝禮 無為應妙天尊
 志心朝禮 救苦慈航天尊
 志心朝禮 神道妙運天尊
 志心朝禮 玄範法通天尊

志心朝禮 至德寶明天尊
 志心朝禮 常開光明天尊
 志心朝禮 鏡心妙光天尊
 志心朝禮 浮雲法玉天尊
 志心朝禮 開慈靈廣天尊
 志心朝禮 瑤瑤法寶天尊
 志心朝禮 玄道明文天尊
 志心朝禮 萬運徧道天尊
 志心朝禮 真人仙暎天尊
 志心朝禮 真尊仙道天尊
 志心朝禮 玉山紫館天尊
 志心朝禮 常行運明天尊
 志心朝禮 无滯至真天尊
 志心朝禮 言成真道天尊
 志心朝禮 上道明照天尊
 志心朝禮 清源大願天尊
 志心朝禮 等觀重玄天尊
 志心朝禮 不二至性天尊
 志心朝禮 明徧慧道天尊
 志心朝禮 果成虛無天尊

志心朝禮 道運慧空天尊
 志心朝禮 玄通妙達天尊
 志心朝禮 南極寶輪天尊
 志心朝禮 真空真寂天尊
 志心朝禮 化被無際天尊
 志心朝禮 運明神行天尊
 志心朝禮 太清七寶天尊
 志心朝禮 開清護生天尊
 志心朝禮 金明極綠天尊
 志心朝禮 靜定德重天尊
 志心朝禮 玉帝太玄天尊
 志心朝禮 無礙等真天尊
 志心朝禮 三界寂然天尊
 志心朝禮 解脫照空天尊
 志心朝禮 救物應念天尊
 志心朝禮 明響真道天尊
 志心朝禮 湛然三元天尊
 志心朝禮 空洞無礙天尊
 志心朝禮 霞煥上官天尊
 志心朝禮 法寶靈顏天尊

志心朝禮 金神玉寶天尊
 志心朝禮 太清洞視天尊
 志心朝禮 煥明丹天天尊
 志心朝禮 妙金光素天尊
 志心朝禮 七映北元天尊
 志心朝禮 正真戒生天尊
 志心朝禮 上仙延算天尊
 志心朝禮 中宮大行天尊
 志心朝禮 響明上道天尊
 志心朝禮 大行西靈天尊
 志心朝禮 廣訓仙靈天尊
 志心朝禮 重悟茶清天尊
 志心朝禮 垂範玉清天尊
 志心朝禮 晨極天皇天尊
 志心朝禮 大慧玄明天尊
 志心朝禮 丹先決定天尊
 志心朝禮 德解上元天尊
 志心朝禮 玄輝仙德天尊
 志心朝禮 譬喻方便天尊
 志心朝禮 紫清音果天尊

志心朝禮 護生開霞天尊
 志心朝禮 寂然化虛天尊
 志心朝禮 空清諸有天尊
 志心朝禮 明響神道天尊
 志心朝禮 玄會冥感天尊
 志心朝禮 黃光運明天尊
 志心朝禮 度脫真品天尊
 志心朝禮 慧道照明天尊
 志心朝禮 隨願往生天尊
 志心朝禮 慈悲救苦真人
 志心朝禮 慈悲救度真人
 志心朝禮 慈悲大惠真人
 志心朝禮 慈觀真人
 志心朝禮 等救真人
 志心朝禮 慧空真人
 志心朝禮 寶相真人
 志心朝禮 玄覺真人
 志心朝禮 空朗真人
 志心朝禮 等相真人
 志心朝禮 慈朗真人

志心朝禮 曜靈真人

志心朝禮 清定天師

志心朝禮 定邪天師

志心朝禮 收鬼天師

志心朝禮 制魔天師

志心朝禮 斬邪天師

志心朝禮 啓天天師

元始上帝告諸天神王曰吾今以此經遺金華真人齋往下方散布十方三界使一切人
民轉誦或有奉道之民清信男女遇本命生日為皇后貴妃太子天親大醮天地日月星辰名山洞府得道神仙詠誦天尊真人天師名號者即有十天善神營護修奉之民上奏天府永消世厄長沐天恩鎮居鳳閣日奉伏明功德巍巍獲福无量

志心朝禮

太白山真德洞天仙官

西山天寶極真洞天仙官

大瀛山好生玄上洞天仙官

瀛山天柱司玄洞天仙官

鬼谷山太玄司真洞天仙官

武夷山昇真元化洞天仙官

玉笥山太秀法樂洞天仙官

華蓋山容城大玉洞天仙官

蓋竹山長曜寶元洞天仙官

都嶠山寶玄洞天仙官

白石山瓊秀長真洞天仙官

句漏山玉闕寶圭洞天仙官

九嶷山朝真太虛洞天仙官

洞陽山洞陽永觀洞天仙官

暮阜山洞真太玄洞天仙官

大酉山大酉華妙洞天仙官

金庭山金庭崇妙洞天仙官

元始上帝再告左右侍真曰吾今以此經散布萬國九州徧使人天禮念迎祥集福保命

延生若有善信男女遇三元八節燒香轉禮

三清寶號金華真人名位上願皇后貴妃太

子天親禮拜供養集福延生永光寶曆世世

不絕長居紫庭沖妙先生燒香朝謝金闕上

帝而獻頌曰

西靈聖母 貴氣瓊瑤 鬱壘鳳閣 密從象與
虹光貫斗 月瑩太虛 穆清宮禁 永鎮天居

太上靈寶朝天謝罪大懺卷之二

卷之二

卷之二